

510.87
12-1
6

6



63277

重刊孫真人備急千金要方卷之五下 少小

欬嗽第六

方十

雙梅方

小兒出胎二百許日頭身患小小瘡治護小瘡復發五月
中忽小小欬嗽微溫和平治之因變癩一日二十過發四肢
縮動背脊眦眦眼反須臾氣絕良久復蘇已與常治癩湯
得快吐下經日不間爾後單與竹瀝汁稍進一日一夕中
合進一升許發時小踈明日與此竹瀝湯得吐下發便大
折其間猶稍稍與竹瀝汁

竹瀝湯方

竹瀝伍合

黃芩叁拾銖木防已

羚羊角

白木各陸銖

大黃貳兩

茵芋叁銖

麻黃

白薇

桑寄生

草薺

甘草各半

右十二味以水二升半煮取藥減半內竹瀝煎取
一分分服二合相去一食久進一服一方無草解

紫苑湯治小兒中冷及傷寒暴嗽或上氣咽喉鳴氣逆或

鼻塞清清水出方

紫苑 杏仁 黃芩 當歸 甘草

橘皮 青木香 麻黃 桂心各陸 大黃壹兩

右十味以水三升煮取九合去滓六十分至百日

兒一服二合半一百日至二百日兒一服三合

五味子湯治小兒風冷入肺上氣氣逆面青喘迫欬書

夜不息食則吐不下方

五味子 當歸各半兩 麻黃 乾薑

桂心 人參 紫苑 甘草各陸兩

細辛

款冬花各二

大黃

膏兩半

白朮

右十一味咬咀以水三升半煮取九合去滓兒六十日

至百日一服二合半一百日至二百日一服三合其大

黃芩浸一宿下

一方無款冬花大黃有大棗三枚

治小兒大人欬逆短氣胃中吸吸呵出涕唾嗽出鼻膿方

燒淡竹瀝煮二十沸小兒一服一合日五服大人一

升亦日五服不妨食息乳哺

治小兒寒熱欬逆膈中有癖乳若吐不欲食方

乾地黄

肆兩

麥門冬

五味子

蜜

各半升

大黃

消石

各壹兩

右六味咬咀以水三升煮取一升去滓內消石蜜煮令

沸服二合日二劑中當有宿乳汁升許出大者服五合

射干湯治小兒欬逆喘息如水雞聲方

射干

麻黃

紫苑

甘草

生薑

各壹兩

半夏

伍枚

桂心

伍寸

大棗

貳拾枚

右八味咬咀以水七升煮取一升五合去滓內蜜五合

煎一沸分溫服二合日三

又方

半夏

肆兩

紫苑

桂心

生薑

細辛

阿膠

甘草

各貳兩

款冬花

貳合

蜜

壹合

右九味咬咀以水一斗煮半夏取六升去滓內諸藥煮

取二升五合五歲兒服一升二歲服六合量大小多少

加減之

杏丸

治大人小兒欬逆上氣方

杏人三升熟穡如膏蜜一升為三分以一分內杏人

射干湯方下

搗令強更內一分搗之如膏又內一分搗熟止先食
已含咽之多少自在日三每服不得過半方寸匕則
利

又方

半夏貳斤去皮煎水

白礬

壹斤為末

丁香

甘草

草豆蔻

川升麻

縮砂

各肆兩

右七味以好酒一斗與半夏拌和勻同浸春冬三七日
夏秋七日密封口日足取出用冷水急洗風吹乾每服
一粒嚼破用薑湯下或乾喫候六十日乾方得服疑非

孫思邈方

八味生薑丸

治少小嗽方

生薑

柒兩

乾薑

四兩

桂心

貳兩

甘草

欵冬花

紫苑

各壹兩

杏仁

蜜各壹升

右合口諸藥為末微火上煎取如飴鋪量其大小多少與
兒含咽之百日小兒如棗核許日四五服甚有驗

四物減久圓 治小兒嗽晝夜甚初不得息不能復啼方

款冬花 各青 紫苑 各青 桂心 半兩 伏龍肝 陸銖

右為末蜜和如泥取如棗核大傳乳頭令兒飲之日三
傳之漸漸令兒飲之

曹清圓 治小兒暴冷嗽及積風冷嗽兼氣逆鳴方

菖蒲 烏頭 杏仁 礬石

細辛 皂莢 各陸銖 款冬花 乾薑

桂心 紫苑 各青 蜀椒 伍銖 吳茱萸 陸合口

右十一味為末蜜丸如梧子二歲兒飲服五丸加至十
丸日三見小以意減之兒大以意加之暴嗽數服便瘥

桂枝湯 治少小十日已上至五十日卒得發熱吐乳嘔逆
暴嘔晝夜不得息方

桂枝 半兩

甘草 貳兩

紫苑

拾捌

麥門冬

壹兩十

右四味咬咀以水二升煮取半升以綿著湯中捉綿滴
兒口中晝夜四五過與之節乳哺

麻黃湯 治少小卒有息上氣不得安此惡風入肺方

麻黃 肆兩

甘草 壹兩

桂心 伍寸

五味子 半升

半夏

生薑

各貳兩

右六味咬咀以水五升煮取一升百日兒服一合大小
節度服之便愈

癖結脹滿第七

方三十五首

灸法一首

双紫圓 治小兒身熱頭痛食飲不消腹中脹滿或小腹絞

痛大小便不利或重下數起小兒無異疾惟飲食過度不
知自止哺乳失節或驚悸寒熱惟此丸治之不瘥更可重
服小兒欲下是其蒸滯哺食減少氣息不快夜啼不眠是
腹內不調悉宜用此丸不用他藥數用神驗千金不傳方

臣意等詳序列中凡云服紫丸者即前變蒸篇中四味者是也云服紫丸不下者服赤丸赤丸差駛病重者當用之方中並無赤丸而此用朱砂又力緊於紫丸疑此即赤丸也

巴豆

蕤核

各拾

麥門冬

拾

甘草

伍

甘遂

朱砂

各貳

牡蠣

各捌

右八味以湯熟洗巴豆研新布絞去油別搗甘草甘遂

牡蠣少門冬下篩訖研蕤核人令極熟乃內散更搗二

千杵藥燥不能相丸更入少蜜足之半歲兒服如苳子

一雙一歲一歲兒服如半麻子一雙三四歲者服如麻

子二丸五六歲者服如大麻子二丸七歲八歲服如小
豆二丸九歲十歲微大於小豆二丸常以雞鳴時服至
日出時不下者熱粥飲數合即下丸皆双出也下甚者
飲以冷粥即止

治小兒胎中宿熱乳母飲食粗惡辛苦乳汁不起兒乳哺
不為肌膚心腹痞滿萎黃瘦瘠四肢痿躄絞戾服之可令
充悅方

芍藥 柴胡 各貳兩 大黃 人參 各壹兩

乾薑 如熱以甘草 各半兩 龍甲 茯苓 各壹兩

右八味為末蜜丸如大豆服一九一歲已上乳服二丸
七歲兒服十九日二

牛黃圓治小兒宿乳不消腹痛驚啼方

牛黃

各二銖

附子

貳枚

真朱

巴豆

杏仁

各壹兩

右五味搗附子真朱為末下篩別搗巴豆杏仁令如泥
內藥及牛黃搗一千二百杵藥成若乾入少蜜足之百
日兒服如粟米一丸三歲兒服如麻子一丸五六歲兒
服如胡豆一丸日二先乳哺了服之膈上下悉當微轉
藥完出者病愈散出者更服以藥完出為度

消食散

治小兒宿食癖氣痰飲往來寒熱不欲食消瘦

芒消

大黃

各肆兩

半夏

甘遂

各貳兩

代赭

壹兩

巴豆

貳枚

杏仁

壹佰貳拾枚

右七味為末別搗巴豆杏仁治如膏旋內藥末搗二千
杵令相和合強者內少蜜百日兒服如胡豆一丸過百
日至一歲服二丸隨兒大小以意節度當候兒大便中

藥出為愈若不出更服如初

治八歲已上兒熱結痰實不能食自下方

芍藥

梔子

知母

大黃

各二兩

柴胡

貳兩

升麻

黃連

黃芩

各二兩半

竹葉

升半

桔梗

壹兩半

細辛

拾伍銖

右十一味以水六升煮取一升八合去滓分四服

十歲兒為三服一本有枳實杏人各一兩半而無桔梗

黃連

治十五已下兒熱結多痰食飲減自下方

大黃

柴胡

黃芩

枳實

壹兩拾

升麻

芍藥

知母

梔子

各貳

生薑

拾捌銖

杏仁

貳兩

竹葉

切壹升半

右十一味以水六升半煮取二升十歲至十五者
分三服

牛黃雙圓 治小兒結實乳食不消心腹痛方

牛黃

太山甘遂 各半兩

真朱 陸銖

杏仁

芍藥

黃芩 各壹兩

巴豆 拾捌銖

右七味為末蜜丸一歲兒飲服如麻子二丸但隨兒大小
小加減之

牛黃驚甲圓 治少小癰實壯熱食不消化中惡忤氣方

牛黃

厚朴

茯苓

桂心

芍藥

乾薑 各半兩

驚甲

麥麩

柴胡

大黃

枳實

芎藭 各一兩

右十一味為末蜜丸如小豆大日三服以意量之

宗聖圓治小兒心下痞痰癖結聚腹大脹滿身體壯熱不
欲哺乳方

芫花

黃芩 各壹兩

大黃

雄黃 各貳兩半

右四味為末蜜和更搗一千杵二歲兒至一歲已下服
如粟米一丸欲服丸內兒喉中令母與乳若長服消病
者當以意消息與服之與乳哺相避

真珠圓治小兒痰實結聚宿癖羸露不能飲食方

真珠 半兩

麥門冬 壹兩

藜蘆

巴豆

肆拾枚

右四味為末蜜丸菴歲兒服二丸如小豆大二百日兒
服如麻子二丸漸增以知為度當下病赤黃白黑葵汁
下勿絕藥病盡下自止又服使小兒肥白已試驗

醫心圓治少小腹中結聚脅下有疹手足煩熱方

驚龍甲

芍藥

大黃各三銖 茯苓

柴胡

乾薑各二十四銖

桂心陸銖 庶蟲

蟾蜍各二枚

右九味為末蜜和服如梧子七丸漸漸加之以知為度

龜頭圓 治小兒痞氣脇下腹中有積聚堅痛方

驚龍頭壹枚

甘皮半兩

蠹蟲

蜜蟲

挑人各十銖

右五味為末蜜丸服如小豆二丸日三大便不利加大

黃十八銖以知為度

治小兒羸瘦憊憊宜常服不妨乳方

甘草五兩為末蜜丸一歲兒服如小豆十九日三服

盡即更合

桂心橘皮湯 治小兒五六月不食氣逆方

桂心

人參各半兩

橘皮各三兩

黍米

伍合 成擇並

右五味以水七升先煮藥前取一升次下薤米米
熟藥成稍稍服之

地黃圓 治少小胃氣不調不嗜食生肌肉方

乾地黃

大黃 各二兩

茯苓 拾捌銖

當歸

柴胡

杏仁 各半兩

右六味為末以蜜丸如麻子大服五丸日三

馬通栗圓 治少小脅下有氣內痛喘逆氣息難往來寒熱

羸瘦不食方

馬通中栗 拾捌銖

杏仁

紫苑

細辛 各半兩

五味子

石膏

秦艽

半夏

茯苓 各陸銖

右九味為末蜜丸服如小豆十丸日三不知加至二十

治小兒下痢腹大且堅方

以故衣帶多垢者切一升水三升煮取一升分三服

又方 腹上摩衣中白魚亦治陰腫

治小小腹脹滿方

燒父母指甲灰乳頭上飲之

又方 韭根汁和猪脂煎細細服之

又方 車轂中脂和輪下土如彈丸吞之立愈

又方 米粉鹽等分炒變色腹上摩之

治小兒癖

灸兩乳下一寸各三壯

當歸圓 治小兒胎寒嘔啼腹中痛舌上黑青涎下方二名

當歸

狼毒各一枚

吳茱萸一作杏仁

蜀椒各半

細辛

乾薑

附子各十枚

巴豆拾枚

肢各一枚

右丸味搗七種下篩秤煉末令足研巴豆如膏罈稍內末持令相得蜜和桑椹成餅蒸五升米飯下出搗一千杵一月兒服如黍米一九日一夜二不知稍加以知爲度亦治水癖

馬齒莧圓治小兒胎寒嘔啼驚癇腹脹不嗜食大便青黃并大人垂冷內冷或有實不可吐下方

馬齒莧一斤燒半日以棗膏和大人服如梧子二九日三小兒以意減之以腹內溫爲度有實實去神妙治小兒忽患腹痛天矯汗出名曰胎寒方
煮梨葉濃汁七合可三四度飲之

半夏圓治小兒暴腹滿欲死方

半夏隨多少微火炮之搗末酒和服如粟米粒大五

丸日三立愈

治小兒霍亂吐痢方

人參 壹兩

厚朴

甘草 各半兩

白朮 拾捌銖

右四味以水一升二合煮取半升六分日兒服一

合百日兒分三服暮歲分二服中間隔乳服之乳母忌

生冷油膩等一方加乾薑一分或加生薑三分

治毒氣吐下腹脹逆害乳哺方

藿香 壹兩

生薑 叁兩

青竹茹

甘草 各半兩

右四味以水一升煮取八合日服一合日三有熱

加升麻半兩

治孩子霍亂已用方驗方

人參

蘆穉 各半兩

藕只藤 貳兩

倉米 壹兩

右四味咬咀以水二升煮取八合分溫服

又方 人參 壹兩

木瓜 壹枚

倉米 壹撮

右三味咬咀以水煮分服以意量之立效

治小兒霍亂方

研豕萍乳上服之

又方 牛涎灌口中一合

治少小吐痢方

亂髮 半兩燒灰

鹿角 陸銖

右三味為末米汁服一升圭日三服

又方 熟牛屎含之一作牛膝

又方 燒特猪屎水解取汁少少服之

癰疽瘰癧第 八論一首 灸法一首

方七十一首

漏蘆湯 治小兒熱毒癰疽赤白諸丹毒瘡癤方

漏蘆 連翹 用後用白薇 白欬

芒消 用後用芍藥 甘草 各陸銖 大黃 壹兩

升麻 枳實 麻黃 黃芩 各玖銖

右十味咬咀以水一升半煎取五合兒生一日至七日

取一合分三服八日至十五日取一合半分三服十六

日至二十日取二合分三服二十日至三十日取三合

分三服三十日至四十一日取五合分三服用後治大人

黃芩三兩以水膏斗煮取參升分三服其丹毒須針
鑿去血經心錄無連翹有知母為藥孕角各等分

連翹湯 治小兒風熱毒腫腫色白或有惡核瘰癧附

骨癰疽節解不舉白丹走竟身中白軫瘡不已方

青木香 薰陸香 雞舌香 沉香 麻黃

黃芩

各二銖

大黃

各二銖

麝香

各二銖

連翹

各二銖

海藻

射干

升麻

枳實

各半

竹瀝

各三合

右十四味以水四升煮藥減半內竹瀝煮取一升

二合見生百日至二百日一服三合二百日至暮歲一

服五合一方不用麻黃

連翹圓治小兒無故寒熱強健如故而身體頸項結核瘰

癧及心脇腹背裏有堅核不痛名爲結風氣腫方

連翹

桑白皮

白頭翁

牡丹

防風

黃蘗

桂心

香豉

獨活

秦艽

各壹兩

海藻

半兩

右十一味爲末蜜丸如小豆二歲兒飲服五丸加至十

丸五歲已上者以意加之

治丹毒大赤腫身壯熱百治不折方

寒水石拾陸銖 石膏拾叁銖 藍青拾貳銖 冬用乾者

犀角 柴胡 杏仁各捌銖 知母拾銖

甘草伍銖 羚羊角陸銖 芍藥 黃芩各七銖

梔子拾壹銖 竹瀝壹升 生葛汁四合 蜜貳升

右十五味以水五升并竹瀝煮取三升三合去滓
內杏人脂葛汁蜜微火煎取一升一歲兒服一合大

者量加之

麻黃湯 治小兒丹腫及風毒風疹方

麻黃壹兩半 獨活 射干 甘草

桂心 青木香 石膏 黃芩各壹兩

右八味以水四升煮取一升三歲兒分為四服

又方治小兒惡毒丹及風疹方

麻黃

升麻

葛根 各二兩

射干

雞舌香

甘草 各半兩

石膏 半合

右七味咬咀以水三升煮取一升三歲兒分三服日三

搗湯治小兒數十種丹方

大黃

甘草

當歸

芎藭

白芷

獨活

黃芩

芍藥

升麻

沈香

青木香

木蘭皮

各壹兩

芒消

叁兩

右十二味咬咀以水一斗二升煮取四升去滓內芒消

以綿搵湯中過寒溫搗之乾則易之取瘥止

治小兒溺竈丹初從兩股及臍間起走入陰頭皆赤方

桑根皮切一斗以水二斗煮取一斗以洗浴之

治小兒丹毒方

擣慎火草絞取汁塗之良其丹毒方具在第二

卷中

治小兒赤遊腫若徧身入心腹即能殺人方

擣伏龍肝為末以雞子白和傳乾易之

又方白豆末水和傳之勿令乾

治小兒半身皆紅赤漸漸長引者方

牛膝

甘草

右二味咬咀入臼得五升以水八升煮二沸去滓和伏龍

肝末傳之

治小兒身赤腫起者方

熬米粉令黑以唾和傳之

又方伏龍肝

亂髮灰

右二味為末以膏和傅之

治小兒卒腹皮青黑方

以酒和胡粉傅上若不急治須臾便死○又灸臍上下左右去臍半寸并鳩尾骨下一寸凡五處各三壯

五香白朮膏湯治小兒著風熱痞癩堅如麻豆粒瘡癢搔之

皮剥汁出或徧身頭面年年常發者方

青木香以銖麝香陸銖雞舌香一銖薰陸香一銖沈香一銖

防風一銖秦艽一銖漏蘆各半升麻一銖黃芩一銖

白朮一銖麻黃各壹兩枳實各兩大黃壹兩各捌銖

右十四味咬咀以水五升煮取一升八合兒五六歲者

一服四五合七八歲者一服六合十歲至十四五者加

大黃半兩足水為一斗煮取一升半分三服

治小兒火灼瘡一 身盡有如麻豆或有膿汁乍痛乍癢方

甘草

芍藥

白斂

黃芩

黃連

黃蘗

苦參 各半兩

右七味為末以蜜和傅之日二夜一亦可作湯洗之

治小兒瘡初起煙漿似火瘡名曰煙瘡亦名爛瘡方

桃人熟搗以面脂和傅之亦治遍身赤腫起

又方 馬骨燒灰傅之

水銀膏 治小兒熱瘡方

水銀

胡粉

松脂 各各三兩

右三味以猪脂四升煎松脂水氣盡下一物攪令勻不

見水銀以傅之

治小兒上下遍身生瘡方

芍藥

黃連

黃芩

各參三兩

苦參

捌兩

大黃

貳兩

蛇床子

壹升

黃蘗

伍兩

拔藜

壹斤

右八味咬咀以水二斗煮取一斗以浸浴兒

苦參湯

浴小兒身上下百瘡不瘥方

苦參

捌兩

地榆

黃連

王不留行

獨活

艾葉

各伍兩

竹葉

貳升

右七味咬咀以水三斗煮取一斗以浴兒瘡上浴訖傳

黃連散

治二日小兒頭面瘡起身體大熱方

升麻

柴胡

石膏

各陸銖

甘草

當歸

各拾銖

大黃

黃芩

各拾捌銖

右七味咬咀以水四升煮取一升分服日三夜一量兒

大小用之

治小兒身體頭面悉生瘡方

榆白皮隨多少曝令燥下篩醋和塗綿以傳瘡上蟲
自出亦可以猪脂和塗之

枳實圓治小兒病風瘙癢痛如疥搔之汁出徧身痞癩如
麻豆粒年年喜發面目虛肥手足乾枯毛髮細黃及肌膚
不光澤鼻氣不利此則少時熱盛極體當風風熱相薄所
得也不早治之成大風疾方

枳實 壹兩

菊花

蛇床子

防風

蒺藜子

白薇

浮萍 各膏

天雄

麻黃

漏蘆 各半

右十味為末蜜和如大豆許五歲兒飲服十九加至二
十九日一二五歲已上者隨意加之兒大者可為散服

治小兒風瘙癢癩疹方

葫蘆 防風 羊桃 石南 秦椒

升麻 苦參 茵芋 芫花 一云芫花

蒺藜 蛇牀子 枳實 礬石 各壹兩

右十二味以水三斗煮取一斗去滓內礬石令小

沸浴之

又方 牛膠末酒服方寸匕漏瘡多年不瘥搗末傅之亦主

骨疽癰疾癩癧絕妙

澤蘭湯 主丹及癩疹入腹殺人方

澤蘭 芎藭 附子 茵芋

藁本 莽草 細辛 各拾貳銖

右七味以水三升煮取一升半分四服先與此湯

然後作餘治

治小兒手足及身腫方

以小便溫溫暖漬之良

又方 巴豆五十枚去心皮以水三升煮取一升以綿內湯

中拭病上隨手消并治癩疹

論曰小兒頭生小瘡浸淫疽癢黃膏出不生痂連年不瘥者亦名妬頭瘡以赤龍皮湯及天麻湯洗之內服漏蘆湯不宜傳飛烏膏散及黃連胡粉水銀膏散方在第三卷

梨蘆膏 治小兒一切頭瘡及即疽癢不生痂方

梨蘆

黃連

雄黃

黃芩

松脂各貳兩

猪脂半斤

礬石

伍兩

右七味為末煎令調和先以赤龍皮及天麻湯洗訖得之

赤龍皮獼木皮是也

治小兒頭瘡經年不瘥方

松脂

苦參

黃連

各壹兩

大黃

胡粉

各壹兩

黃芩

水銀

各壹兩陸銖

礬石

半兩

蛇牀子

拾兩

右丸味為末以臘月豬脂和研水銀不見傳之

又方取屋塵末和油瓶下滓以皂莢湯洗傳之

又方取大蟲脂傳之亦治白禿

又方髮中生瘡頂白者皆以熊白傳之

治小兒頭瘡方

胡粉

壹兩

黃連

貳兩

右二味為末洗瘡去痂拭乾傳之即瘥更發如前傳之

又方胡粉

連翹

各壹兩

水銀

半兩

右三味以水煎連翹內胡粉水銀和調傳之

又方白松脂

胡粉各貳兩水銀壹兩

猪脂肆兩

右四味合煎去滓內水銀粉調傳之大人患同

苦參湯洗小兒頭瘡方

苦參

黃芩

黃連

黃蘗

甘草

大黃

芎藭各壹兩

疾藜子叁合

右八味咬咀以水六升煮取三升漬布搗瘡上日數過

治小兒頭上惡毒腫瘰癧諸瘡方

男子屎尖燒灰和臘月猪脂先以酢泔清淨洗拭乾

傳之

治小兒禿頭瘡方

取雄雞屎陳醬汁苦酒和以洗瘡了傳之

又方 芫花臘月猪脂和如泥洗去痂傳之日一度治白頭

治小兒頭禿瘡方

葶藶子細末先洗傳之

又方 不中水蕪菁葉燒作灰和猪脂傳之

治小兒頭禿瘡無髮苦癢方

野葛末

猪脂

羊脂各壹兩

右三味合煎入之消待冷以傳之不過三上

治少小頭不生髮一物椒葉方

椒葉搗取汁傳頭上立生

治小兒頭不生髮方

燒鯽魚灰末以醬汁和傳之

治小兒瘦瘡方

冢中石灰傳之厚著之良

又方燒桑根灰傳之并燒烏羊角作灰相和傳之

治小兒疽瘻方

丹砂

大黃

各三拾銖

雄黃

蘭茹

漆頭者

雌黃

各貳拾銖

礬石

馬齒者

莽草

各拾捌銖

黃連

六銖

右八味以咀以猪脂一升三合微火煎三上三下膏成

去滓下諸色末視凝傳之

治小兒惡瘡方

熬豉入黃為末傳瘡上不過二傳愈

治小兒疽搔月初即生常有黃水出方

酢和油煎令如粥及熱傳之二日一易欲重傳則以

皂莢湯洗瘡乃傳之

治小兒月蝕瘡隨月生死方

以胡粉和酥傅之五日瘡

治月蝕九竅皆有瘡者方

燒蚯蚓屎末和猪膏傅之

又方水和粉傅之

治小兒浸淫瘡方

竈中黃土 髮灰

右二味各等分為末以猪脂和傅之

治小兒黃爛瘡方

四交道中土 竈下土

右二味各等分為末以傅亦治液啼

又方燒艾灰傅之

又方燒牛屎傅之亦可滅癩

治小兒疥方

燒竹葉為灰雞子白和傳之日三亦治疔瘡

又方燒亂髮灰和臘月猪脂傳之

又方以臭酥和胡粉傳之

治小兒頭面瘡疥方

麻子五升為末以水和絞取汁與蜜和傳之若有白
犬膽傳之大佳

治小兒濕癬方

枸杞根擣作末和臘月猪膏傳之

又方桃青皮擣末和醋傳之日二

又方煎馬尿以洗

又方搗破以牛鼻上津傳之

又方燒狗屎灰和猪脂塗之

治小兒身上生赤疵方

取馬尿洗日四五度

治小兒身上有赤黑疵方

針父脚中取血貼疵上即消

又方取狗熟屎傳之皮自卷落

治小兒燒目方

以針及小刀子決目四面令似血出取患瘡人瘡中
汁黃膿傳之莫近水三日即膿潰根動自脫落

小兒雜病第九方一百一十一首

治小兒臍中生瘡方

桑汁傳乳上使兒飲之

又方飲羖羊乳及血

治小兒風臍遂作惡瘡歷年不瘥方

取東壁上土傳之大佳若汁不止燒蒼耳子粉之

又方 乾蟻螬蟲末粉之不過三四度瘥

治小兒臍不合方

大車轄脂燒灰日一傳之

又方 燒蜂房灰為末傳之

治小兒臍中生瘡方

燒甌帶灰和膏傳之

治小兒臍赤腫方

杏仁 半兩 猪頰車髓 拾捌銖

右二味先研杏仁如脂和髓傳臍中腫上

白石脂散 治小兒臍汁出不止兼赤腫方

以白石脂細研煖令微暖以粉臍瘡日三四度

治小兒鵝口不能飲乳方

鵝菜汁灑兒口中

又方 黍米汁塗之

又方 取小兒父母亂髮淨洗纏桃枝沾取并花水東向向

日以髮拭口中得口中白乳以置水中七過灑洗三

朝作之

治小兒心熱口爲生瘡重舌鵝口方

柘根剉五升無根弓材亦佳以水五升煮取一升去

滓更煎取五合細細傳之數次良

治口瘡白漫漫方

先以父淨髮拭口次取桑汁塗之

治重舌舌強不能收唾方

鹿角末如大豆許安舌下日三四度亦治小兒不能

又方取蛇蛻燒末以雞毛蘸醇醋點藥掠舌下愈

治小兒重舌方

取田中蜂房燒灰酒和塗去喉下愈

又方衣魚塗舌上 **又方**竈月下黃土末苦酒和塗去舌上

又方一家屠肉切令如指大摩舌上兒立能啼

又方赤小豆末醋和塗舌上 **又方**燒簸箕灰傳舌下

又方黃蘗以竹瀝漬取細細點舌上良

治重舌方

灸行間隨年壯穴在足大趾歧中

又灸兩足外踝上三壯

治小兒舌上瘡方

蜂房燒灰屋間塵各等分和勻傳之

又方桑白汁塗乳與兒飲之

又方羊蹄骨中生髓和胡粉傳之

治舌腫強滿方

滿口含糖醋良

又方飲羶羊乳即瘥

治小兒口瘡不得吮乳方

大青 拾捌銖

黃連 拾貳銖

右二味咬咀以水二升煮取一升二合一服一合如

又方蜜 貳升

甘草 如指大二寸

臘月猪脂 壹斤

右三味合煎相得含如棗大稍稍咽之日三

又方 礬石如雞子大置醋中塗兒足下一七遍愈

治小兒燕口兩吻生瘡方

燒髮灰和猪脂傅之

治小兒口下黃肌瘡方

取殺羊鬚燒作灰和臘月猪脂傅之角亦可用

治口傍惡瘡方

亂髮灰

胡絮灰

黃連

乾薑

右四味等分爲散以粉瘡上不過三徧

治口噤赤者心噤白者肺噤方

雞屎白棗大綿裹以水一合煮一二沸分再服

治小兒口噤方

鹿角粉

大豆末

右二味等分和乳塗乳上飲兒

又方 驢乳

猪乳 各貳升

右二味合煎得一升五合服如杏人許三四服瘥

雀屎圓

治小兒卒中風口噤不下一物方

雀屎如麻子丸之飲下即愈大良雞屎白亦佳

治小兒口中涎出方

以白羊屎內口中

又方

以東行牛口中沫塗口中及頤上

又

桑白汁塗之瘥

治小兒卒毒腫著喉頸肚熱妨乳方

升麻

射干

大黃

各壹兩

右三味咬咀以水一升五合煮取八合一歲兒分二服

以滓薄腫上冷更暖以薄大兒以意加之

升麻湯

治小兒喉痛若毒氣盛便咽塞并治大人

利方

升麻

生薑

射干

各二兩

橘皮

壹兩

右四味咬咀以水六升煮取二升去滓分二服

治小兒喉痺腫方

魚膽二七枚以和竈底土塗之瘥止

治小兒喉痺方

桂心

杏人 各半兩

右二味為末以綿裹如棗大含咽汁

治小兒解顱方

燹蛇蛻皮為末和猪頰車中髓傳頂上日三四度

又方

猪牙頰車髓傳顱上瘥

治小兒腦長解顱不合羸瘦色黃至四五歲不能行半裏

藥方

半夏

生薑

芎藭 各壹升

細辛 叁兩

桂心 壹尺

烏頭 拾枚

右六味以醇苦酒五升漬之晬時煮三沸絞去滓以綿一片浸藥中適寒溫以熨顛上冷更溫之復熨如前朝暮各三三四熨乃止二十日可愈

治小兒解顛用生蟹足傳方

生蟹足

白斂 各半兩

右二味搗末以乳汁和傳顛上立愈

治小兒解顛細辛傳方

細辛

桂心 各半兩

乾薑 拾捌銖

右三味為末以乳汁和傳顛上乾復傳之兒面赤即愈

治小兒顛開不合方

防風 壹兩半

拍子人

白及 各壹兩

右三味為末以乳和傳顛上日一十日知二十日愈

又方 取猪牙車骨煎取髓傳顛上愈

小兒顛陷方

灸臍上下各半寸及鳩尾骨端又足太陰各一壯

治小兒狐疝傷損生癩方

桂心 拾捌銖

白朮 壹兩拾捌銖

地膚子 貳兩半

右三味為末以蜜和丸白酒服如小豆七九日三亦治

又方 芍藥

茯苓 拾捌銖

防葵 一作防風

大黃 各半兩

半夏

桂心

蜀椒 各陸銖

右七味為末蜜和服如大豆一九日五服可加至三九

五等圓治小兒陰偏大又卵核堅癩方

黃蘗 香豉 牡丹 防風 桂心各等

右五味為末蜜丸如大豆兒二三歲飲服五九加至十之
兒小以意酌量著乳頭上服之

治小兒卵腫方

取雞翅六莖燒灰服之隨卵左右取翮古今錄驗云

治小兒癩方

蜥蜴一枚燒末酒服之

治小兒氣癩方

土瓜根 芍藥 當歸各等

右三味咬咀以水二升煎取一升服五合日二

又方二月上除日取白頭翁根搗碎隨偏處傳之一宿作

瘡二十日愈

治氣癩方

灸足厥陰大敦左灸右右灸左左各一壯

治小兒陰瘡方

以人屎灰傳之又狗屎灰傳之又狗骨灰傳之又馬骨末傳之

治小兒岐股間連陰囊生瘡汁出先癢後痛十日五日自瘥或一月或半月復發連年不瘥者方

灸瘡搔去加帛拭令乾以蜜傳更溲麩作燒餅熟即以餬涂餅上熨之冷即止再度瘥

治小兒陰腫方

狐莖炙搗末酒服之

又方 灸大敦七壯

又方 斫桑木白汁涂之

又方 搗蕪菁薄上 又方 搗垣衣傳之 又以衣中白魚傳之

又方 猪屎五升水煮沸布裹安腫上

治小兒陰瘡方

取狼牙濃煮汁洗之

又方 黃連胡粉等分以香脂油和傳之

治小兒核腫壯熱有實方

青木香 甘遂 石膏 甘草 各半

麝香 大黃 前胡 黃芩 各半

右八味以水七升煮取一升九合每服三合日四

治小兒積冷久下瘡後餘脫肛不瘡腹中冷肛中

疼痛不得入者方

死鼈頭令焦灸枝多小蝟皮令焦灸枝多礞石肆兩桂心參兩

右四味為末蜜丸如大豆兒三歲至五歲服五丸至十

九日三兒年大以意加之

小兒脫肛方

灸頂上旋毛中三壯即入○又灸尾翠骨三壯

又灸臍中隨年壯

治小兒疳濕瘡方

鐵衣著下部中即瘥

又方灸第十五椎俠脊兩傍七壯未瘥加七壯

治小兒疳瘡方

以猪脂和胡粉傅之五六度

又方嚼麻子傅之日六七度

羊膽一枚和醬汁於下部灌之猪脂亦佳

治濕瘡方

濃煮地榆汁洗浴每日二度

治小兒久痢膿濕方

艾葉五升以水一斗煮取一升半分為二服

除熱消腸圓斷小兒熱下黃赤汁沫及魚腦雜血肛中瘡

爛坐匿生蟲方

黃連

藥皮

苦參

鬼臼

獨活

橘皮

芍藥

阿膠

各半兩

右八味為末以藍汁及蜜丸如小豆日服五丸至十丸

冬無藍汁可用藍子壹公口春蜜和丸

治小兒蚊蟲方

削棟木上蒼皮以水煮取汁飲之量大小多寡為此
有小毒

治小兒羸瘦有蚊蟲方

藿蘆二兩以水一升米二合煮取米熟上滓與服

又方 高蓄二兩水一升煮取四合分服之擣汁服亦佳

又方 桃白皮冬三兩東引吳茱萸根白皮肆兩

右二味咬咀以酒一升二合漬之一宿漸與服取瘥

又方 取猪膏服之一一云治疥蟲

又方 擣槐子內下部中瘥為度一一云治疥蟲

又方 棟實一枚內孔中一一云治疥蟲

治寸白蟲方

東行石榴根一把水一升煮取三合分服

桃葉搗絞取汁服之

治小兒三蟲方

雷丸

芎藭

右二味各等分為末服一錢七日三

治大便竟出血方

鼈頭一枚炙令黃黑為末以飲下五分匕多少量兒

大小日三服

燒車釭一枚令赤內一升水中分二服

燒甌帶末傅乳頭上令兒飲之

治小兒尿血方

燒鵲巢灰并花水服之亦治夜尿牀

尿血灸第七椎兩傍各五寸隨年壯

治小兒遺尿方

瞿麥

石韋

龍膽

皂莢

桂心 各半兩

雞腸草

人參 各壹兩

車前子 陸銖

右八味為末蜜丸每食後服如小豆大五九日三加至

六七丸

又方 小豆葉搗汁服

又方 燒雞腸為末漿水服方寸匕日三服云面北斗服

又方 灸臍下一寸半隨年壯〇又灸大敦二壯亦治尿血

地膚子湯 治小兒執毒入膀胱中忽患小便不通欲小便

則澁痛不出出少如血須臾復出方

地膚子

瞿麥

知母

黃芩

枳實

升麻

葵子

猪苓 各陸銖

海藻

橘皮

通草 各三銖 大黃 拾捌銖

右十二味咬咀以水二升煮取一升一日至七日兒服
一合為三服八日至十五日兒一合半為三服十六日
至二十日兒二合為三服四十一日兒以此為準五十日
已上七歲已下以意加藥益水

治小兒淋方

車前子一升水二升煮取一升分服

又方 煮冬葵子汁服之

又方 取蜂房亂髮燒灰以水服一錢七日再

治小兒小便不通方

車前草 切壹升

小麥 壹升

右二味以水二升煮取一升一合去滓以
麥粥服日三四

又方 冬葵子一升以水二升煮取一升分服入滑石末附
治小兒吐血方

燒蛇蛻皮末以乳服之并治重舌

又方 取油三分酒一分和之分再服

治小兒鼻塞生息肉方

通草

細辛 各壹兩

右二味擣末取藥如豆著綿纏頭內鼻中一日二

治小兒鼻塞不通足涕出方

杏仁 半兩

蜀椒

附子

細辛 各陸銖

右四味咬咀以醋五合漬藥一宿明日以猪脂五合煎

令附子色黃膏成去滓待冷以塗壑繫導鼻孔中日兩敷

治小兒聾耳方

末石硫黃以粉耳中日一夜

治小兒耳瘡方

燒馬骨灰傳之

又方燒雞屎白筒中吹入

治小兒齒落久不生方

以牛屎中大豆二七枚小開豆頭以注齒根處數度

即生

又方取雄鼠屎二七枚以一屎拭一齒根處盡此上二十

一日即生雄鼠屎頭尖

治小兒四五歲不語方

末赤小豆酒和傳舌下

又方灸足兩踝各三壯

治小兒數歲不能行方

取葬家未開戶盜食來以哺之日三便起行

治小兒不能乳方

雀屎四枚為末著乳頭飲兒兒大十枚

積毒湯 治小兒落床墮地如有瘀血腹中陰陰寒熱不背

乳哺但啼哭叫喚方

蒲黃

麥門冬

大黃

黃芩各拾銖

甘草捌銖

芒消柒銖

黃連拾貳銖

右七味咬咀以水二升煮取一升去滓內芒消分三服

消息視兒羸瘦半之大小便血即愈忌冷食

治小兒食不知飢飽方

鼠屎二七枚燒為末服之

治小兒食土方

取肉一斤繩繫曳地行數里勿洗火炙與食

治小兒噦方

生薑汁

牛乳各伍合

右二味煎取五合分為二服

又方取牛乳一升煎取五合分五服

治小兒疳方

竈中灰鹽等分相和熬熨之

治小兒悞吞針方

取磁石如棗核大或吞或含其針立出

治小兒悞吞鐵物等方

艾蒿一把剉以水五升煮取一升半服之即下

治小兒蠿蝮咬遶腹匝即死方

疔疾藜葉傳之無葉子亦可

又方

取燕窠中土猪脂和傳之乾即易之

重刊孫真人備急千金要方卷之五下

書號碼 善 510.87
 12-1 1377 V.6.
 著譯者 孫思聰
 書名 (重刊孫真人) 備急千金要方

號數	借期	還期	號數	借期	還期
----	----	----	----	----	----

出借得不

出借得不

借閱者注意

- (一) 加意愛護勿失原有形狀
- (二) 損壞或遺失應照原價加倍賠償
- (三) 借閱以二星期為限期滿欲續借者須持書至館聲明但本館於必要收回時須即繳還
- (四) 逾期不歸還者應照章納金

圖書號數 善 510.87
 圖書冊數 12-1
 登記號數 63277 V.6.

